



桂林風土記

銀青光祿大夫檢校散騎常侍使持節融
州諸軍事守融州刺史御史大夫莫休符

讓

前賢撰述有事必書故有三國志荆楚歲時

記湘中記奉天記唯桂林事迹闕然無聞休

符因退居粗錄見聞曰桂林風土記聊以為

敘時唐化^光二年九月二十三日序



桂林風土記唐光化二年融州刺史
撰新唐書藝文志作三卷今祇存一
在杭小草齋所錄舊藏徐惟起家卷尾稱獲



諸錢塘沈氏是洪武十五年抄傳雖非足本
中載張固盧順之張叢元晦路單韋瓘歐陽
曠李激諸人詩采唐音者均未著于錄洽聞
之君子亟當發其幽光者也小長蘆竹蛇朱

彝尊書

桂林風土記目次

古今事迹

桂林

舜祠

雙女塚

伏波廟

東觀

越亭

巖光亭

訾家洲

灘山

堯祠

碧澗亭

東山亭

拜表亭

夾城

獨李山

靈渠

歐陽都護塚

海陽山

會仙里

甘岩

隱仙亭

嚴州祥柯水

賀州張天師宅

如錦潭

象州仙人山

遷鶯坊

進賢坊

菩提寺道林和尚

開元寺震井

延齡寺聖像

宜州龍開江

蒼梧火山

宜州龍採木

徐氏還魂

石氏燈檠崇

米蘭羨績

李給事長歌

顏特進名延

李光錄名襲志

李衛公名靖

稽中令名遂良

張中令名九齡

陳都督

袁恕己

張鷟

桂林風土記目次終

桂林風土記

銀青光祿大夫檢校散騎常侍使持節融
州諸軍事守融州刺史御史大夫莫休符
譔

古今事跡

桂林

按地理志桂州禹貢荊州之域春秋時越七
國時服於楚秦始皇二十三年發逋亡羣古今

未有年號至漢武帝方紀
年名故云始皇二十三年
賈人掠取陸梁之地
為桂林吳時文士薛綜言
昔帝舜南巡蒼梧秦置
桂林南海象郡南越志
漢武改為鬱林郡以桂
林為縣吳書孫皓鳳凰
三年分鬱林象郡為桂
林又按圖經云吳甘露
年分鬱林象郡為桂林
今以魏書證之甘露乃
高貴鄉公曹髦所紀年
號非吳書也古有名人
張衡詩云我所思兮在
桂林欲往從之湘水深
是則桂林為郡久矣漢
祖命周電擊南越南越
王趙佗據險為城電不
能踰今靈州全義嶺有
越城漢紀有周電為泗
水侯是呂后時非高祖
也地理志云周電未知
其實

舜祠

舜祠在虞山之下有澄潭
號皇潭古老相承言舜
南巡曾遊此潭今每遇
歲旱張旗震鼓請雨多
應中有大魚過洪水泛
下至府東門

河際有停客巨舫往：載起然終不為人之
宮舊傳舜奠蒼梧立。在道州江華縣九疑山
也。

雙女塚

在府城北十里俗傳舜妃尋帝卒而葬於此
塚高十餘丈周廻二里餘

伏波廟

伏波廟在郭中之東北二里是東漢伏波將

軍馬援之祠也

東觀

觀在府郭三里隔長河其東南皆崇山巨壑
綠竹青松峒崆幽竒登臨險易不可名狀有
石門似公府之狀而隘秉燭行五十步有洞
穴坦平如毬場可容千百人如此者八九所
約畧相似皆有清泉淥水乳液葩漿恠石嵌
空龍盤虎踞引燭緣陟竟日而還終莫能際

相傳云昔有人好泉石多東花菓裹糧深涉
而行還計其所行已及東河之下如聞棹楫
湍之聲在其上又有山外高峯舊有亭臺
近已摧壞前政張侍郎名固大中重陽節
宴於此從事盧順之贈固詩曰渡江旌旆動
魚龍令節開筵上碧峯翡翠巢低巖桂小菜
萸房濕露香濃白雲郊外無塵事黃菊筵中
盡醉容好是謝公高興處夕陽歸騎出疎松

張侍郎和詩曰亂山青翠郡城東莸節憑高
一望通交友會時絲管合羽觴飛屐笑言同
金英耀彩晴雲外玉樹凝霜暮雨中高詠已
勞潘岳思醉歡慙道自車公咸通年前政張
大夫業游東觀詩曰巖岫碧潺顏靈蹤若可
攀樓臺烟靄外松竹翠薇間玉液寒深洞秋
光秀遠山憑君指歸路何處是人寰

越亭

在府城北與聖壽寺接連有巖洞亭臺高峯
碧岫山突透出北面因名北牖洞遠眺長江
極目煙水北人至此多軫鄉思會昌初前使
元常侍名晦搜達金貂翱翔翰林揚歷臺省
性好岩沼時恣盤遊建大八角亭寫其真院
砌臺釣榭石室蓮池流杯亭花藥院時為絕
景于時潞寇初平四郊無壘公私宴聚較勝
事先美節良辰尋芳選勝管絃車馬聞隘路

隅金貂從此府除浙東留題曰紫泥遠自金
臺降朱旆翻馳鏡水頭陶令風光偏畏夜子
年衰髻暗驚秋西隣月色何時見南國春光
豈再遊莫遣艷歌催客醉不堪回首翠蛾愁
副車路單與金貂同年及第和詩一首曰謝
安致理逾三載黃霸清教徹九重猶輟珮環
歸鳳闕且將仁政到稽岑林間立馬羅千騎
池上開筵醉一鐘共喜甘棠有新咏獨慚霜

髮又攀龍越亭初成金貂有六十韵長詩曰
乏才叨八使徇祿非三顧北闕頌詔條東隣
證迷誤未聞述職効已見脫穎趣澗氣爽衣
巾嵐颺輕杖履其餘不省記

巖光亭

在北羅門外臺亭巖洞亞於越亭亦是元常
侍新置有石碁局爛柯石嶂金貂有五十韵
詩云石靜如開鏡山高若聳蓮筍竿抽玉管

花蔓綴金鈿

訾家洲

在子城東南百餘步長河中先是訾家所居
因以名焉洲每經大水不曾淹浸相承言其
浮也元和中裴大夫

名行立四子歸之歸聞
婦礼婦庶獲朝獎也

叙造亭宇種植花木迄今繁盛東風融和衆
卉爭妍有大儒柳宗元員外撰碑十餘言猶

在前汴州楊尚書宴遊題詩云桂林雲物盡

漫：雨裏花開雨裏殘，唯有今朝好風景。櫻
桃含笑柳眉攢，前政後事陸弘休。詩云：新春
蓋綻訾家洲，信是南方最勝遊。酒滿百分殊
不怕，人添一歲更堪愁。鶯鶯暗逐歌聲艷，花
態還隨舞態羞。莫惜今朝同酩酊，任他龜窟
與蟬游。

漓山

在訾家洲西一名沉水山，以其山在水中，遂

名之。古老相傳，龍朔中曾降天使投龍於此。
今每歲旱，請雨潭中，多有應驗。前政元常侍
以其名與昭應驪山音同，故遂改為儀山。近
歲於此置溫靈廟，中時產青蛇，號為龍駒。
翠色或綠，人頭頂手中，終無患害。

堯山廟

在府之東北，隔大江與舜祠相望。遂名堯山。
山有廟，絕靈。四時公私饗奠不絕。北接湖山。

連亘千餘里天將降雨則雲霧四起遙巡風
雨立至每歲農耕候雨輒以堯山雲卜期

東山亭

府之東門有大亭枕江與望月樓接連近子
城豎多年不記歲月

碧澗亭去思館是

亭館大中初前常舍人權勣造在子城東北
隅十餘步接近逍遙樓南近大江館宇宏麗

制作精緻高下敞豁冠諸亭院去思館舊名
青桂館前政吏部張侍郎鶯除替飾裝於此
遂改為去思館常舍人年十九入闕應進士
舉二十一名進士狀頭榜下除左拾遺于時
名重縉紳指期直上馬相為長安令二十八
度候謁不蒙一見後任廉察桂林終半歲而
馬相執大政尋追懷舊事非時除賓客分司
悵望留詩於碧澗亭曰半年領郡固無勞一

日為心素所操輪奐未成繩墨在規模已壯
閎閔高理人雖切才常短薄宦都緣命不遭
從此歸耕洛川上大干江路任風濤

拜表亭

北接碧潯南連望月東南長河西隣雉堞前
政山北廬尚書匡添建置

夾城

從子城西北角二百步北上抵伏波山緣江
南下抵子城逍遙樓周迴六七里光啟年中
前政陳太保可環剏造三分之一是諸營展
力日後萬人不時而就增崇氣色殿若長城
南北行旅

獨秀峯

在郭中居子城正北百餘步高聳直上周迴
一里餘迥出郭中下有巖洞舊有宋朝名儒
顏延之宅讀書亭後為從事所居住見靈

精居者少寧前政張侍郎廢毀焉

歐陽都護塚

府北郭松迤盡處有國初安南都護名普讚塚墓普讚靈川人其宅今為聖壽寺有廟在寺之北下後後殯於北郭時有識地勢者言墓所有天子氣由是官掘斷至夜又有陰兵填卒如舊既而再掘復平不已時有効後者人偶宿其所夜聞鬼兵相語曰能以青布運

土投江則我等無能為也及明主吏聞宿者言遂用青布輦運土投河竟免陰兵填葉今塚所掘處猶存有石人石柱皆在松楸百餘株近為樵者斫代無餘子孫自數千年湮沒無聞或云訾家洲因運此土流下成洲有歐陽贖者詩絕句曰舊業分明桂水頭人間業盡水空流春風日暮江頭立不及漁翁有釣

舟

海陽山

在全義縣北及瀉湘二水源也流至全義北
三百步分流北太作為湘南下為瀉山下有
廟前政陳太保奏錄詔封廣潤侯

會仙里

南去府五十里舊有群仙於此輜輶羽駕遍
於碧空竟日而去里人聚觀狀聞因名會仙
里

隱仙亭

本名盤龍岡在府西郭三里與延齡寺甫近
寶曆年前使李給事名渤開置亭臺種植花
木有池沼巨巖水深無際有嘉蓮洞白雀峒
石盆大亭有慶雲亭在山頂有朝陽亭夕陽
亭連理橋秉燭巡游時見龍跡大如梳水有
靈魚龍腹四足入或誤採風雨立至山河秀
異皆入畫圖作屏障為信好之珍有從事皇

甫湜吳武陵撰碑碣三所給事徵起山中一
表薦九賢皆居顯貴給事為考功郎宰相皆
書下考以天子巡遊蹂木稼無所獻替故也
除桂林有嘆鳥詩曰三朝四黜倦遐征往復
皆愁萬里程爾解分飛却回去我方從此向
南行又題隱山詩二首常嘆源泉去不回我
今自去更難來欲知一：留心處手種巖花
次第開隨雲不厭蒼梧遠似雁逢春又北飛
唯有隱山溪上月他時相望兩依依

靈渠

在全義縣漓湘二水分流處相傳曰後漢伏
波將軍馬援開州濬濟水急曲折回互用遏
其節：斗門以駐其勢有伏波廟在縣側又
按後漢鄭弘奏交趾七郡貢錢從東泛海多
沒溺請開桂嶺靈渠後御史：祿重開闢又
按前漢武帝元鼎五年命伏波將軍路博德

樓船將軍楊僕戈舡將軍嚴助擊南越呂嘉
戈舡出零陵下漓水此則前漢嶺首已通舟
楫明矣焉得至後漢馬援鄭弘始開靈渠於
理未盡言馬鄭重修則可云創闢於義有乖
莫休符駁

甘巖

在府南八十里大江傍其源出靈川縣界思
磨山自水下湧出巖方十餘丈大如屋室莫

究其深淺盛暑到彼凜冽增寒

張天師道陵宅

天師舊宅在賀州道錄以為玄中大法師今
以宅為廟：中有羨異果實有人食之無患
唯不可採取必致禍也

牂牁水

在嚴州：門長河其源從牂牁流下八十餘

丈本州圖經所載

如錦潭

廩郡述昆州有如錦潭水深無際近歲有人
代潭邊巨木樹倒入潭中逡巡沉沒莫知所
在潭中時聞音樂如大府廣筵移時而止

仙人山

象州武陵縣多有神仙聚集聚高山羽駕時
見如建州武夷山皆有仙人換骨函親之跡

遷鶯坊

遷鶯坊本名阜財在市西門因曹鄴中丞進
士及第前政令狐大夫改為遷鶯坊在府西
門進賢坊長街因趙觀文狀頭及第前陳太
保改坊名

菩提寺道林和尚

往年中桂州人薛公元常供養一僧法號道
林如是精心供養十有餘年忽一日其僧辭
去云貧道歸去撓瀆多年更無可酬今只有

舊傳經一函且寄宅中如至週歲不同即可
開轉讀如此經一歲開鎖有金滿函可數千
兩後賣一半買地造菩提寺并建道林真身
供養今儀像見存薛今見有孫禹賓在桂林
効職

開元寺震井

隋曰緣化寺後因紗燈延火燒燬重建玄宗
朝改名開元寺有前使褚公親筆寫金剛經

碑在舍利塔前西有觀音寺井貞元中有李
氏因左遷寓居僧院屬暑月以食餘熟羊脾
懸井中遠迅雷震暴作羊肉置於隙地而烟
氣薰灼犬不食蟻不附至今僧俗中言井有
龍致之愚以理裁有異於此夫龍嗜血食肉
重牢醴人有享祭必選良肉醇酒潔饌珍羞
然事精禮寧有一羊脾而迅雷震蓋以伽藍
井水奉獻諸佛衆僧而遽以肉味羶汚神祈

之所是以不容乃致雷擊云理必然矣其并
終亦坍塌先令狐相從事當府因撰震井記
然以羊徽事曾未移時天鑿已知則人之善
惡或愈於此又豈殲遺於陰報乎昔董卓縱
暴為呂布殺而曝屍其亭後有故吏收其尸
以小棺殯於郡城又遭風雨漂流失所在楊
國忠以貴妃因椒房承寵縮三十二使印綬
天寶十二載二月拜司空卅命之日天雨土
霑朝服未幾族滅於馬嵬關西楊氏遠四知
去三惑歷千載而慶延子孫則福福無門唯
所召矣故孔明有言勿以惡小而故為勿以
善小而不為苟能佩服斯言以神祇為證則
終身不居有過之地

延齡寺聖像

寺在府之西郭郊三里甫近隱山舊號西慶
寺武宗廢毀宣宗再崇峯岫牙張雲木交映

為一府勝遊之所寺有古像徵於碑碣蓋廬
舍那佛之所報身也此地元本荆榛先無寺
宇因大水漂流巨材至時有工人操斧斤斫
伐將欲下斫忽見一梵僧立在本傍曰此木
有靈尔宜勿伐既而罷去又有洗蔬者於其
上則浮濯薰辛於其上又沉雅契梵僧之言
由是咸知有靈遂刻削為僧佛當則天后臨
朝之時夢金人長一丈六尺乞袈裟及詔大
臣問其事皆莫能解旋奏陛下既有此夢乞
依夢中造袈裟懸於國門以俟符驗明早大
臣奏懸袈裟忘收已失遂詔天下求之已在
桂州廬舍那佛身至今尊卑歸敬遐迹欽崇
時早請雨皆有響應

宜州龍開江事

桂之廩郡有宜州其河如桂州楊江水岸深
斗形勢異於衆水古老流側近岡上俄頃夫

遂妻居以之夫疑是惡人尋至岡所求不見
但見百牛既夜乃還家至明遂遇水漲流木
蔽江合蒼梧耆老盡知之

徐氏還魂

西漢武帝有神通之異南朝有于寶述幽府
冥秘之言泉蘇韶崔亦紀靈恠牛丞相著三
卷妖錄及徐氏還魂皆鄙夫隣居在咸通末
目驗方證不誣陽朔居人蘇太玄妻徐氏產

三子徐己疾終既殯忽一日還家但聞語而
不見形云某年命未終冥司不錄今且暫歸
憐撫其子補綻其衣一切如在稍經旬月隣
伍旋知占卜吉凶述善惡一符驗有鄉人
在府充職染疾其眷屬請卜之俄頃云去涼
風館之南地名柘木林遇虎當道不敢過遂
却回卜者情迫堅請再往俄頃回至府見疾
者已瘥疑其不實遂問其所居病人形貌徐

民不曾至府又未識病者一言之無差異
方明其寔又有人求小子謝曰魚物奉酌深
為不足徐氏曰汝家有三斗粟子在西房何
得称無卜者請取之遂巡負粟子至其前衆
皆愕然卜者尤所慚耻如此不一難備書述
一日言舜帝差人討蚩有人求至近驛助備
熟食更一兩日當還如期而歸將得冥司一
分細鈔致夫前曰此鈔過若人間造者夫視
之品饌則倍珍於他食又一旦泣告曰魚端
洩陰間事獲罪蒙追此去難再還好看兒女
乃泣別遂絕音響

石氏射樟木燈檠崇

開成中桂林裨將石從武居在子城西壕側
從武早習弓矢忽一年家內染患疾長幼罕
有安者每至深夜常見一人從出來体有
光焰居常令疾者痛苦稍間若此物至則呻

吟穀加甚醫巫醮謝皆莫能効從武心疑精
邪為崇至夜操弓矢引滿一發中鳥見被焰
光星散而滅遂命燭而視之乃是家中舊使
樟木燈擎中箭而倒乃劈為齧粉焚蕪為灰
送之長河於是家人患者皆愈大中年前政
張侍郎名文規三代台相之家

嘉貞私請延賞

廉察桂林從武時職司通引 聞此事曾召
問具以實對乃為石氏射燈檠傳從武子昂

在職近方去世消諧詞亦效卑職得金貂傳

聞

米蘭美績

長慶中前政李給事名渤字濟之自給事中
除桂林奏請名儒吳武陵為伴故事副車上
任具橐韃通詩文數日於毬塲致宴酒酣吳
乃致詞云奉約同游山水奈何以紅帛繫于
首仍命婦女於看棚聚觀相耻既彼我醜顏

各爭意氣吳為臺盤坐褰衣裸露以溺給事
怒命衛士拉送衛司梟首時都押衛米蘭知
其不可遂引而寢遣人護衛給事扶歸寢
室夜半而覺聞家累聚哭甚悲驚而問焉乃
曰昨聞設亭喧噪又聞命衛司斬副使不知
其由憂及禍是以悲泣給事大驚亟命遮問
之米蘭具啟昨雖奉嚴旨未敢承命副車犹
寢在衙院若給事達明早至衙院卑詞引過
上下俱是克責益相敬奉時未有監軍于是
乃奏米蘭牧於象郡以酬之勅下允從遂又
以使衛儀衛送上奉任

李給事長歌

李給事名渤為太學博士長歌喜弟淑再至
歌曰前年別時秋九月白露為霜金吹烈離
鴻一別影初分淚袖獲揮心哽咽別來幾度

得音書南岳知山下閣廬山峽倚天碧捧

排空崖千萬尺社榜長題高士名食堂每記
雲山跡我本開雲此山住偶為名利相縈誤
自負心机四十年羞聞社客山中篇有時夢
魂憶歸路覺來疑在林中眠昨日林前烏鵲
喜果得今朝尔來此吾吟行路五十篇盡說
江南數千里自憐兄弟今五人共縈儒素家
尚貧雖然稟氣各不一就中摠免拘常倫長
兄年少曾落拓拔劍沙場隨衛霍口裏雖談

周孔文懷中不舍孫吳畧次兄一生能苦節
夏聚流螢冬映雪非論惡疾志如霜更覺臨

心似鐵第三之兄更奇異昂昂獨負青雲
志下看金玉不如泥肯道王侯身可貴却愁
清逸不干時高蹤大器無人知倘逢感激許
然諾必能萬古留清規念尔年來方二十夙
夜孜孜獨能立卷中落筆星漢搖洞裏丹靈
鬼神泣嗟余流浪心寂狂十年學劍逢時康

心中不解事拘束去間談笑多相妨廣海青
山殊未足達着高樓還醉宿朝走安公樞上
駒暮偷陶令篱邊菊近来詩思殊無况若彼
時流不相放雲騰浪走勢未衰雀膝蜂腰豈
能障送尔為文殊不識貴從一一傳胸臆若
到湖南見紫霄會須待我同攀陟

宋顏延之

宋顏延之字延年琅琊臨沂人曾祖舍父顯

延之少孤貧居附郭南空巷甚陋好讀書無
不覽文章之美冠絕當時好飲酒不拘細行
年三十尚未婚娶起家豫章公世子叅軍

官秘書監宋太祖文皇帝諱義隆宋氏第三
主昵愛僧惠琳常獨占一榻延之因醉白曰
昔劉盆子尚參軍乘輿袁盎正色曰此三公
之座豈可刑餘之人居之延之性方直言無
所迴避居身清約不求財利布衣蔬食獨酌

郊野與謝靈運以詞彩齊名而遲速相懸常
勅俱入擬樂府上篇延之立成而靈運久而
方就帝問其優劣於鮑昭曰謝五言如芙蓉
初發自然可愛顏詩鋪錦列綉彫績滿眼
尋為始安郡經過潯陽日造淵明飲焉每遇
一佳景必酣醉而還臨去留錢二百萬與淵
明悉送酒家及淵明卒延之為之誄以孝建
三年卒年七十三贈特進自潘岳陸机之作

文士莫及顏謝焉

李襲志

李襲志金州安康人也仕隋歷始安郡丞大
業末江外盜賊尤多襲志散家財召得三千
人以守郡城高祖受隋禪降璽書勞問編入
屬籍授桂州總管前後任桂州凡三十八載
政尚清簡嶺外安之後上表請入朝拜右光
祿行汾州刺史致仕卒於家

衛國公李靖

李靖字藥師雍州三原人也姿貌瓌偉有文武才畧武德二年同趙郡王孝恭至江陵破蕭銑四十萬擒銑赴京承制度嶺至桂州分路招撫大首領馮盎李光庭等懷輯九十六州六十萬戶詔充嶺南道安撫大使檢校桂州大總管武德六年征輔公祐於江淮平之

又領兵出塞屢顯大功拜右僕射平章事封衛國公薨年七十九桂州子城自衛國公所製號曰始安郡名矣

中書令褚遂良

令公散騎常侍亮之子仕太宗啟沃聖心恢弘帝業歷官中書令高宗將廢王皇后立武昭儀為后令公受先皇寄託之重極諫以為不由可由是忤旨貶潭州顯慶二年又貶桂

州時李義甫許敬宗傾巧曲佞附託皇后重
貶令公愛州明年卒於貶所年六十二死後
二年又追削官爵子孫並流愛州高宗崩遺
詔復爵

中書令張九齡

張九齡韶之曲江人也以文學進士及第與
趙冬曦齊名俄應制以明皇嗣位久在南郊
上表抗論由是名價益重與燕國公張說同
姓以詞學親洽時括田使宇文融干預朝政
說惡之融所奏論多見抑挫不行融與臺丞
連表訟說帝令說藉草辯對高力士密奏以
說有大功於國不宜挫辱乃落下平章事坐
家九齡連坐貶趙州又以家鄉不便乞換回
近嶺南一處遂出江西俄轉桂州都督兼嶺
南按察使薨年六十八

桂州陳都督

國朝呂才博士博涉群書該通衆藝為太宗
皇帝所知著陰陽吉凶地理要訣五十餘卷
行於世今之婚嫁占刺多用其言又別著駁
陰陽數千言以為行年塚宅 皆不可信
愚以為召氏多才多學博古辨今不欲世人
曉達陰陽輒恃年命固拘慎博前知遂立斯
言以節逾僭若召前史烏得稱無昔甯氏起
宅相者云必出賢甥魏舒由是甚顯遇羊祐

少時有占地者言墓合出天子祐惡而掘之
占者云犹出折臂三公祐因墜馬折臂竟位
三公陶侃徵時種瓜有老人求瓜侃厚惠之
其人感此因指牛眠岡可貴侃用葬母位至
太尉吳主孫氏家世富春葬於城東岡塚上
常結五色慶雲齋主蕭道成先塋在武進縣
其上結慶雲宋明帝命獵人以五尺鉄釘之
又柱忽作龍吟驚震山谷皆福昆嗣畧據所

聞以為證議陳思應本名聿脩富州龍平人也少居鄉里以博學為志開元中忽有異人求寄宿聿修觀其容止稍異乃盡禮延之明日將告去謂聿脩曰某久攻地理頗有十全一宿淹留厚沐情禮思有所報遙見此洲上五里地形當貴不可言用為殯岡必福昆嗣聿脩忻然相感遂同詣其處視之客曰若葬此處可去之出郡守又指一處曰若用此處

可世之為都督聿脩敬謝分袂而別居數載喪母遂以所指都督處為塋他日拜坟忽見其地產金筍甚眾默追宿客之言又觀金筍斯驗益以自負遂採而歸既再至金筍又產三載服闋所獲多矣因携入京以求遇素鮮知己茫然暗投見晦朔及弔慶公侯相府侍兒通傳有憇民舍者聿修厚許其直求稅一榻為之逆旅俄而節朔貴門侍者後至聿脩

聞以為證議陳思應本名聿脩富州龍平人也少居鄉里以博學為志開元中忽有異人求寄宿聿修觀其容止稍異乃盡禮延之明日將告去謂聿脩曰某久攻地理頗有十全一宿淹留厚沐情禮思有所報遂見此洲上五里地形當貴不可言用為殯岡必福昆嗣聿脩忻然相感遂同詣其處視之客曰若葬此處可去之出郡守又指一處曰若用此處

可世之為都督聿脩敬謝分袂而別居數載喪母遂以所指都督處為塋他日拜坟忽見其地產金筍甚眾默追宿客之言又觀金筍斯驗益以自負遂採而歸既再至金筍又產三載服闋所獲多矣因携入京以求遇素鮮知己茫然暗投見晦朔及弔慶公侯相府侍兒通傳有憇民舍者聿修厚許其直求稅一榻為之逆旅俄而節朔貴門侍者後至聿脩

悉以金筭銜其目果異而問焉頗亦敬奉粗
蒙善遇因以金筭為賂居數日又遣人覆檢
聿脩得以所業文詞經斷綴之金筭獻遺未
幾朝貴咸聞或有引遠者又以文業干進凡
諸要地盡知其名稍得岐路進取益切于時
有同姓名思應者亦以昭穆情昵乃以前任
告牒相遺因易名干執政遂特除桂州都督
今府署大廳之壁記具列名氏亦有子孫職
於本郡故鄙諺有云良宅吉塚緣者遇之信
然矣

袁恕己

恕己滄州東光人也長安中為刑部少卿與
張柬之崔玄偉敬暉桓彥範等五王建議時
則天不豫張易之與弟昌宗入內侍疾將圖
不軌恕己等與左羽林將軍李多祚率兵五
百人就宮中斬易之昌宗裒首天津橋廢則

天迎中宗即位重興大唐社稷功格天地武
三思用張計潛與中宗常后私通帝雅信
后言計無不成立意流貶五王於嶺南尋發
偽制使周利正盡殺之恕已流懷州利正逼
令服野葛汁不死以手爬地取土而食爪甲
皆盡至骨乃擊殺之睿宗誅韋后方雪其冤
恕已孫高貞元中歷給事中謬諤雅傳家法
憲宗制追贈左丞高父建官至太府卿

張鷟

張鷟字文成深川陸渾人也後趙侯賓之
後少聰敏過人其祖齊王文學以當時儒士
多稱鷟之才莫不嘆異因曰我孫為人所知
如天以鸞鷟為鳳凰之佐五色成文因名鷟
字文成弱冠應舉下筆成章中書侍郎薛元
超特授襄樂尉遷監察御史司門員外開元
中姚崇為相証其奉使江南受遺賜先其子

上表請代父死黃門侍郎張廷珪刑部尚書
李白等連表稱寃遂減死流嶺南數年起為
夔州長史卒年七十三文成凡七舉四參選
皆中甲科正諫大夫員半千謂人曰張子之
文如青銅錢萬揀萬中時號青銅錢學士久
視中太官令馬仙童陷突厥中默啜問曰文
成何在此人何不足用又新羅日本國前後
遣使入貢多求文成文集歸本國其為教名

遠播如此著雕龍策帝王龜鏡朝野僉載二
百卷文成以五為縣尉因著才命論以遠志
盛行於世有李季孫者註才命論言是燕公
詞蓋不覽唐史率意紀文大惑時人一向紕
繆休符駁議

洪武壬戌三月錢塘宜齋沈勗義產忠

父藏本

桂林風土記終



國立中央圖書館藏